

Na osnovu člana 13. stav (2) Zakona o principima lokalne samouprave u Federaciji BiH («Službene novine FBiH», br. 49/06 i 51/09) , te člana 23. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo" br. 49/17 i 21/18) , kao i člana 10. i 68. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) Općinsko vijeće Centar Sarajevo je, u nastavku Treće redovne sjednice održane elektronskim putem dana 19.03.2021 .godine, donijelo

O D L U K U

o privremenom smanjenju zakupnine za poslovne prostorije u vlasništvu Općine Centar do 31.08.2021. godine

Član 1.

Ovom Odlukom se propisuje privremeno smanjenje zakupnine za poslovne prostorije u vlasništvu Općine Centar od 01.03. – 31.08.2021. godine , kao mjera ublažavanja negativnih posljedica uzrokovanih korona virusom COVID-19 po privredu ove jedinice lokalne samouprave.

Zakupcima poslovnih prostorija se utvrđuje smanjenje ugovorenih mjesečnih iznosa zakupnine na sljedeći način :

- Ekstra zona - 30%
- I zona - 20%
- II zona - 10%

Zakupci poslovnih prostorija koji plaćaju zakupninu od 1 KM/ m² , odnosno 5 KM /m² , u skladu sa članom 26. stav 2 , tačka a) i b) Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo" br. 49/17 i 21/18) se izuzimaju od primjene ove Odluke, kao i zakupci poslovnih prostora u kojima se obavljaju djelatnosti bankarstva, osiguravajućih društava, apoteka, kladionica i trgovine prehrambenim proizvodima.

Član 2.

Služba za registar i upravljanje imovinom Općine Centar će izvršiti realizaciju obaveze utvrđene članom 1. ove Odluke , bez podnošenja posebnih zahtjeva , uz potrebu zaključivanja aneksa na postojeće ugovore sa zakupcima.

Član 3.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u « Službenim novinama Kantona Sarajevo ».

Broj:01-11-1584/21

Zamjenik Predsjedavajućeg Općinskog vijeća

Sarajevo,19.03.2021. godine

Benjamin Isović



Ova Odluka je objavljena na Oglasnoj ploči Općine Centar dana 22-03-2021 godine.